



Broj:T18 0 KT 0018101 25
Brčko, 10.04.2025. godine

Na osnovu člana 35. stav (2) tačka i) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

A. Š.

Što je:

Dana 04.09.2024.godine u Brčkom, nakon što je toga dana više puta dolazio do kuće oštećene M.Š., u ..., te je više puta ispred kuće dozivao, vrijeđao i galamio, ponovo toga dana zatekao M. sa malodobnim šesnaestogodšnjim unukom E.Š. u ulici ..., kako izlaze iz vozila, bez ikakvog povoda naglo prišao M.Š., pa ponovo počeo galamiti i vrijeđati, da bi ga ona u tome smirivala, a potom u namjeri i svjestan da će je time lako tjelesno povrijediti, što je i htio, iznenada je udario stisnutom šakom u otvoreni dio lica, izbio joj mindušu iz uha i oborio na tlo, a kada se M. nekako pridigla sa tla, ponovo je šakom udario u donji dio lica, da bi u tom momentu iz vozila u namjeri da odbrani svoju nenu, prišao malodobni E.Š. i govorio mu da je ne tuče, a A. je i njega u namjeri da ga tjelesno povrijedi, što je i htio, udario nogom u desnu E. ruku koja je E. od ranije bila povrijeđena i na kojoj je nosio postavljen medicinski gips, pa i kada su mještani iz blizine prišli da ga onemoguće u daljem takvom njegovom postupanju, A. uzeo palicu i ponovo krenuo prema njima, da bi M. uspjela pobjeći na glavni put i pozvati policiju, kojom prilikom je Š. M. nanio lake tjelesne povrede u vidu nagnječenja glave, nagnječenja regije donje usne sa oguljotinom, a malodobnom Š. E. laku tjelesnu povredu u vidu nagnječenja desne nadlaktice, dok je ovakvo ponašanje kod M. zbog A. upornosti a i ranijih uznemiravanja izazvalo i akutnu reakciju na stres,

dakle, druge lako tjelesno povrijedio,

čime je, počinio dva krivična djela – Laka tjelesna povreda – iz člana 170. stav 1. u Krivičnog zakona Brčko distrikta BiH.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****